



**ԵՐԵՎԱՆԻ ՄԽԻԹԱՐ ՀԵՐԱՑՈՒ ԱՆՎԱՆ ՊԵՏԱԿԱՆ ԲԺՇԿԱԿԱՆ ՀԱՄԱԼՍԱՐԱՆ  
ԴԵՂԱԳԻՏԱԿԱՆ ՖԱԿՈՒԼՏԵՏԻ ՄԱԳԻՍՏՐՈՍԱԿԱՆ ԹԵԶԵՐԻ ՊԱՇՏՊԱՆՈՒԹՅԱՆ  
ՄԱՍԻՆ ԿԱՆՈՆԱԿԱՐԳ**

***Հաստատվել է՝***

ԵՊԲՀ Գիտական խորհրդի

16.03.2023 թվականի թիվ

23-03-03-04 որոշմամբ

***Ռեկտոր Ա.Ա.Մուրադյան***

***Հոդված 1. Ընդհանուր դրույթներ***

1. Երևանի Մխիթար Հերացու անվան պետական բժշկական համալսարանի (այսուհետ՝ Համալսարան) «Դեղագիտական ֆակուլտետի մագիստրոսական թեզերի պաշտպանության մասին» կանոնակարգով սահմանվում է Դեղագիտական ֆակուլտետի ամփոփիչ ատեստավորման գործընթացում ուսանողների (այսուհետ նաև՝ շրջանավարտ) մագիստրոսական թեզերի պաշտպանության հիմնական կանոնները և պայմանները, այդ թվում՝ կառուցվածքը, տեքստային նյութի, հավելվածների ձևավորման կարգը, պաշտպանության ընթացակարգն ու ժամանակացույցը:

2. Սույն կանոնակարգի իրավական հիմքերն են՝ «Կրթության մասին» ՀՀ օրենքը, «Բարձրագույն և հետբուհական մասնագիտական կրթության մասին» ՀՀ օրենքը, ՀՀ Կառավարության 2014 թվականի նոյեմբերի 30-ի թիվ 1407-Ն որոշմամբ հաստատված Համալսարանի կանոնադրությունը, ՀՀ Կառավարության 2017 թվականի նոյեմբերի 7-ի թիվ 1282-Ն հրամանով հաստատված «Հայաստանի Հանրապետության բարձրագույն մասնագիտական կրթական ծրագրեր իրականացնող հաստատությունների շրջանավարտների ամփոփիչ ատեստավորման կարգը», սույն կանոնակարգը, այլ իրավական ակտեր:

## **Հողված 2. Մագիստրոսական թեզի նպատակները և խնդիրները**

1. Մագիստրոսական թեզը Դեղագիտական ֆակուլտետի մագիստրատուրայում ուսանողի ուսուցման ամփոփիչ փուլն է:

2. Մագիստրոսական թեզն շրջանավարտի ինքնուրույն հետազոտական, վերլուծական ավարտուն աշխատանք է, որն արտացոլում է տվյալ մասնագիտական ոլորտում ուսանողի ձեռք բերած գիտելիքները կիրառելու և ինքնուրույն ուսումնասիրություն կատարելու հմտությունները, ինչպես նաև հետազոտական խնդիրներ բարձրացնելու և նոր լուծումներ առաջադրելու հմտությունները:

3. Մագիստրոսական թեզի կատարումը և հրապարակային պաշտպանությունը մագիստրոսի կրթական ծրագրի ավարտական պահանջներից է:

4. Մագիստրոսական թեզի նպատակներն են՝

1) համալիր հմտությունների և գիտելիքների ամրապնդում, համակարգային մտածողության ներդրում, մասնագիտական խնդիրները լուծելիս գիտելիքները գործնականում կիրառելու կարողությունների ուսանում,

2) որոշումներ ընդունելու և հմտությունների զարգացում, փորձի ձեռքբերում հետազոտությունների մշակման, վերլուծության և համակարգման, ինչպես նաև նրանց գործնական նշանակության և կիրառման հնարավոր ոլորտի գնահատման մեջ,

3) փորձի ձեռքբերում սեփական գործունեության արդյունքների ներկայացման և հրապարակայնորեն պաշտպանելու ոլորտում:

5. Մագիստրոսական թեզի խնդիրներն են՝

1) ընտրված թեմայի համակարգված վերլուծություններով, հետազոտություններով և հիմնավորումներով ներկայացումը,

2) թեզի և հետազոտության օբյեկտ(ներ)ի ու մեթոդների ճիշտ ընտրությունը,

3) թեզի ելակետային տվյալների հայթայթումը, որոնք անհրաժեշտ են տվյալ թեզի վերլուծության համար,

4) թեզում ներառված և հավաքագրված տեղեկությունների համակարգում՝ գրականության, այլ աղբյուրներից հղումների և սեփական մտքի համադրմամբ և ճշգրիտ վերձանմամբ,

5) կատարված հետազոտության հիման վրա տվյալ մասնագիտական ոլորտում

պրակտիկ կիրառման նորույթի և (կամ) նորարական առաջարկ(ներ)ի և (կամ) հետազոտական վերլուծականի ներառում թեզի ավարտական մասում:

### **Հոդված 3. Մագիստրոսական թեզին ներկայացվող պահանջները**

1. Մագիստրոսական թեզի թեմայի մասնագիտական որոշակի ոլորտի ընտրության իրավունքն ուսանողին է՝ ուսանողի Մագիստրոսական թեզի ղեկավարի հետ խորհրդակցելու պայմանով:

2. Մագիստրոսական թեզի թեմաներն ուսանողն ընտրում է թեմայի արդիականության, հետազոտական աշխատանքի պարտադիր ներառման և արդյունքների գործնական կիրառության անհրաժեշտության սկզբունքներով:

3. Մագիստրոսական թեզի թեմաները քննարկվում են համապատասխան ղեկավարների հետ և ներկայացվում հաստատման՝ ուստարվա առաջին կիսամյակի սկզբում:

4. Մագիստրոսական թեզի թեմաները հաստատվում են Դեղագիտության ֆակուլտետի ուսումնագիտական խորհրդի որոշմամբ: Ուսումնագիտական խորհրդի կողմից հաստատվելուց հետո ուսանողը չի կարող հրաժարվել մագիստրոսական թեզի պաշտպանությունից և ընտրել ամփոփիչ ատեստավորման բանավոր քննության տարբերակը:

5. Մագիստրոսական թեզի ղեկավար են նշանակվում մասնագիտական ամբիոնների դասախոսները, ովքեր ունեն դեղագիտության ոլորտի գիտական աստիճան:

6. Անհրաժեշտության դեպքում ղեկավար կարող են նշանակվել նաև Համալսարանի այլ ամբիոնների դասախոսներ, այլ բուհերի կամ կազմակերպությունների համապատասխան մասնագիտական որակավորում ունեցող մասնագետներ:

7. Մագիստրոսական թեզի ղեկավարները հաստատվում են Դեղագիտության ֆակուլտետի ուսումնագիտական խորհրդի որոշմամբ:

8. Մագիստրոսական թեզի ղեկավարը պարտավոր է՝

1) թեմայի շրջանակներում ուսանողին ուղղորդել անհրաժեշտ գրականության և տվյալների ընտրության հարցերում,

2) անցկացնել խորհրդատվություն հետազոտության պլանի մշակման հարցում,

3) գնահատել կատարված աշխատանքի համապատասխանությունը Մագիստրոսական թեզին ներկայացվող պահանջներին,

4) ուսանողի հետ պարբերաբար անցկացնել խորհրդատվություններ,

5) վերահսկել ուսանողի կողմից կատարած աշխատանքները,

6) գրավոր կարծիք տալ թեզը հրապարակային պաշտպանության երաշխավորելու վերաբերյալ (Հավելված Դ),

7) ամփոփիչ ատեստավորման հանձնաժողովի նիստում բանավոր ելույթի նախապատրաստման ընթացքում ուսանողին տրամադրել խորհրդատվություն:

9. Մագիստրոսական թեզի ղեկավարն իր կարծիքում պետք է ներառի.

ա) աշխատանքի արդիականությունը և կարևորությունը,

բ) ուսանողի՝ ինքնուրույն հետազոտություն կատարելու, տվյալներ մշակելու և հիմնավորված եզրակացություններ անելու կարողությունը,

գ) աշխատանքում հետազոտական, մեթոդական և (կամ) գործնական նորույթ պարունակող տարրերի առկայությունը,

դ) գործնական առաջարկությունների և (կամ) երաշխավորությունների առկայությունը,

ե) կատարված աշխատանքի դրական կողմերը և թերությունները,

զ) թեզի ձևավորման համապատասխանությունը սույն կարգի պահանջներին,

է) երաշխավորություն՝ թեզի հրապարակային պաշտպանության համար:

10. Մագիստրոսական թեզի վերաբերյալ ղեկավարի բացասական կարծիքի դեպքում թեզը չի թույլատրվում պաշտպանության:

11. Մագիստրոսական թեզը, ղեկավարի գրավոր կարծիքի առկայությամբ, ենթակա է գրախոսման:

#### **Հոդված 4. Մագիստրոսական թեզի կառուցվածքը**

1. Սույն կանոնակարգով սահմանված մագիստրոսական թեզին ներկայացվող պահանջները պարտադիր պայմաններ են և ենթակա են գնահատման՝ թեզի բովանդակային գնահատման և ներկայացվող այլ պայմանների ընդհանուր համակցությամբ:

2. Մագիստրոսական թեզին ներկայացվող պայմաններն են.

1) Մագիստրոսական թեզը պաշտպանության է ներկայացվում համակարգչային շարվածքով՝ տպագիր (կազմված) և էլեկտրոնային տարբերակներով:

2) Թեզի թղթի չափսը պետք է լինի՝ A4 (210 մմ x 297 մմ) ֆորմատի, լուսանցքները պետք է լինեն՝ ձախից 3.0 սմ, աջից՝ 1.5 սմ, վերևից՝ 2.0 սմ և ներքևից՝ 2.5 սմ:

3) Նյութը պետք է տպագրվի թերթի միայն մեկ երեսին:

4) Տեքստը մուտքագրվում է «GHEA Grapalat» տառատեսակով, 12 pt տառաչափով, միջտողային հեռավորությունը՝ 1.5:

5) Գլուխների վերնագրերը պետք է գրվեն թավ (bold) և ուղիղ գլխատառերով, 14 pt տառաչափով: Յուրաքանչյուր գլուխ պետք է սկսվի նոր էջից:

6) Պարբերությունները հավասարեցվում են երկու կողմերից, սկսվում են 1 սմ խորքից:

7) Թեզի բոլոր էջերը, ներառյալ աղյուսակները, նկարները, գծապատկերները, հավելված(ներ)ը պետք է վերնագրվեն համարակալվեն:

8) Մագիստրոսական թեզի առաջին էջը տիտղոսաթերթն է, որը չի համարակալվում, լրացվում է համաձայն սույն կանոնակարգի Ա հավելվածի:

9) Մագիստրոսական թեզը պետք է շարադրվի տպագիր, որի ծավալը կարող է տատանվել 30-ից 45 էջի սահմաններում, որն իր մեջ չի ներառում տիտղոսաթերթը և հավելվածները: Առանձնահատուկ դեպքերում՝ Մագիստրոսական թեզի ղեկավարի հետ համաձայնեցված՝ էջերի քանակը կարող է տատանվել, կախված թեմայի բնույթից:

3. Մագիստրոսական թեզի հիմնական բաղադրիչ մասերն են՝ սահմանված ձևի տիտղոսաթերթը (Հավելված Ա), բովանդակությունը, համառոտագիրը, ներածությունը՝ ներառելով մագիստրոսական թեզի հիմնական դրույթները, հիմնական գլուխները, եզրակացությունները և առաջարկությունները, գրականության ցանկը, հավելվածները:

#### 1) **Բովանդակությունը**

Մագիստրոսական թեզի բովանդակային ցանկում արտացոլվում են թեզի բոլոր բաժինները: Բովանդակությունը սկսվում է ներածությունից և ընդգրկում է բոլոր բաժինների, ենթաբաժինների, ինչպես նաև կետերի, ենթակետերի (եթե նրանք անվանում ունեն) անվանումները, եզրակացությունները և առաջարկությունները, օգտագործված աղբյուրների ցանկը, հավելվածների անվանումն ու նշանակությունը՝ նշելով այն էջերը, որտեղից սկսվում

են թեզի տվյալ տարրերը: Բովանդակությունը չի ներառում տիտղոսաթերթը:

## **2) Համառոտագիր**

Մագիստրոսական թեզի համառոտագիրը պետք է ներառի թեզի ուսումնասիրության խնդիրը, նպատակ(ներ)ը, հետազոտության ընթացքում կիրառված մեթոդների, արդյունքների և եզրակացության հակիրճ նկարագրությունը:

## **3) Ներածությունը**

Մագիստրոսական թեզի ներածությունը պետք է պարունակի թեմայի արդիականությունը, նրա տեսական և գործնական կարևորությունը, աշխատանքի նպատակներն ու խնդիրները:

## **4) Հիմնական գլուխները**

Մագիստրոսական թեզի հիմնական գլուխները բաղկացած են գլուխներից և ենթագլուխներից: Դրանք ներառում են օգտագործված գրականության և ուսումնասիրվող հիմնախնդրի վերլուծությունը, կիրառված մեթոդների և կատարված հետազոտության նկարագրությունը, ուսումնասիրության արդյունքների շարադրումը և վերլուծությունը, մեկնաբանություններ և գնահատականներ և այլն:

Հիմնական գլուխը պետք է ներառի թեմայի հետազոտության ուղղությունը, ուղղության հիմնավորումը, խնդիրների լուծման մեթոդները և նրանց համեմատական գնահատականը՝ կատարված աղբյուրների վերլուծության հիման վրա, առաջարկելով հետազոտության խնդրի վերաբերյալ սեփական տեսակները, արդիականությունը, ինչպես նաև մեկնաբանություններ և գնահատականներ:

## **5) Եզրակացություններ և առաջարկություններ**

Մագիստրոսական թեզի «Եզրակացություններ և առաջարկություններ» բաժնում ներկայացվում են արդյունքներին վերաբերող հակիրճ դատողություններ (մեկնաբանություններ)՝ առաջադրանքի կատարման ամբողջականության և գնահատման վերաբերյալ և առաջարկություններ աշխատանքի արդյունքները տեսականորեն և գործնականորեն կիրառելու վերաբերյալ:

## **6) Օգտագործված գրականության ցանկը**

Մագիստրոսական թեզի համար օգտագործված գրականության ցանկը շարադրվում է այբենական կարգով՝ նշելով հղումների համարները: Գրականության ցանկը, աղբյուրները

պետք է ընդգրկեն՝ հեղինակ(ներ)ի ազգանունը և անվան առաջին տառը, նյութերի լրիվ անվանումը, հրատարակության տվյալները (տեղը, հրատարակչությունը, քաղաքը, տարեթիվը, հատորը, էջերը): Ցանկում սկզբից նշվում են հայկական աղբյուրները, ապա արտերկրյա: Էլեկտրոնային աղբյուրներից օգտվելու դեպքում նշվում է հեղինակի(ներ)ի ազգանունը, անվան առաջին տառը, հոդվածի և (կամ) կազմակերպության անվանումը, համացանցում հոդվածի տեղադրման ամսաթիվը, կայքի հասցեն:

### **7) Հավելվածները**

Մագիստրոսական թեզի հիմնական մասը լրացնող նյութը ձևակերպվում է հավելվածների տեսքով: Հավելվածների մեջ կարող են ներառվել կատարված աշխատանքներին վերաբերող որոշակի նյութեր, գրաֆիկական նյութեր, աղյուսակներ, հարցաթերթեր, տեղեկացված համաձայնության ձևեր: Գրաֆիկական նյութերի, նկարների, գծապատկերների վերաբերյալ պետք է լինի նկարագրություն կամ բացատրություններ:

Հավելվածների հերթականությունը ամրագրվում է հայերենի այբուբենի գլխատառերով (օրինակ՝ Հավելված Ա):

### **Հոդված 5. Մագիստրոսական թեզի պաշտպանության ընթացակարգը**

1. Մագիստրոսական թեզի իրականացման փուլերն են՝

1) մագիստրոսական թեզի թեմայի ընտրությունը և հաստատումը,

2) շրջանավարտի կողմից մագիստրոսական թեզի պլանի ներկայացում՝ ըստ սահմանված ձևաչափի (Հավելված Բ),

3) հետազոտության պլանի փորձաքննությունը Համալսարանի Էթիկայի կոմիտեի կողմից,

4) հետազոտության փուլ,

5) նախապաշտպանության փուլ,

6) գրախոսություն,

7) պաշտպանություն:

2. Շրջանավարտի կողմից ընտրված մագիստրոսական թեզի թեման Դեղագիտական ֆակուլտետի դեկանի կողմից և նախատեսված ժամկետներում ներկայացվում է ֆակուլտետի ուսումնագիտական խորհրդի հաստատմանը:

3. Մագիստրոսական թեզի թեմայի ընտրությունից հետո շրջանավարտն հավաքագրում է անհրաժեշտ տվյալներ, ուսումնասիրում է հետազոտությանը վերաբերող գրականությունը, վերլուծում է համանման խնդիրների շրջանակներում գոյություն ունեցող գրականությունը և ներկայացնում է հետազոտական աշխատանքի նախնական պլանը:

4. Մագիստրոսական թեզի հետազոտության պլանը շրջանավարտը ներկայացնում է Համալսարանի էթիկայի կոմիտե՝ քննարկման և հաստատման համար:

5. Մագիստրոսական թեզի հետազոտության փուլն աշխատանքի կատարման բուն ժամանակահատվածն է, որը ներառում է տեսական, գործնական, հետազոտական աշխատանքներ և կազմում թեզի կատարման համար հատկացված ժամանակի հիմնական մասը: Հետազոտության փուլի մեջ ներառվում են նաև թեզի տեքստի պատրաստումը և պաշտպանության համար անհրաժեշտ այլ նյութի ձևավորումը, սույն կանոնակարգի պահանջներին համապատասխան:

6. Նախապաշտպանությունը կազմակերպվում է համապատասխան ամբիոնում: Նախապաշտպանության փուլի ժամկետները սահմանվում են Դեղագիտական ֆակուլտետի դեկանի կողմից՝ համաձայնեցված թեզի ղեկավարի հետ: Այդ ընթացքում շրջանավարտը դեկանատ է ներկայացնում թեզի «Գրականության տեսության», «Նյութը և մեթոդները» բաժինների նախնական տարբերակը՝ ստորագրված թեզի ղեկավարի կողմից:

7. Մագիստրոսական թեզի վերջնական տարբերակը ներկայացվում է գրախոսման: Գրախոսը գրախոսությունը ներկայացնում է գրավոր (Հավելված Գ):

8. Միջառարկայական մագիստրոսական թեզի դեպքում համապատասխան ամբիոնն իրավունք ունի իրավիրելու խորհրդատուների՝ ըստ աշխատանքի առանձին բաժինների:

9. Շրջանավարտը մագիստրոսական թեզի վրա աշխատում է անմիջապես ամբիոնում և (կամ) գիտահետազոտական կազմակերպությունում, որոնց հետ կապված է հետազոտական աշխատանքի կատարումը:

10. Շրջանավարտի մագիստրոսական թեզը թույլատրվում է պաշտպանության ղեկավարի դրական կարծիքի պարագայում:

Եթե շրջանավարտը չի պահպանել սույն հոդվածով սահմանված փուլերի կատարման ընթացակարգը, ապա տվյալ ուսումնական տարում չի թույլատրվում մագիստրոսական թեզի պաշտպանությանը: Եթե առկա է հարգելի պատճառ և սխալների շտկման

հնարավորություն՝ թեզի ղեկավարի համաձայնությամբ և ֆակուլտետի ղեկանի որոշմամբ շրջանավարտը կարող է թույլատրվել պաշտպանության փուլ:

**Հոդված 6. Մագիստրոսական թեզի մշակման ընթացքում շրջանավարտի պարտականությունները**

1. Մագիստրոսական թեզի մշակման ընթացքում շրջանավարտի պարտականություններն են՝

- 1) ընդունել ինքնուրույն որոշումներ՝ հաշվի առնելով ղեկավարի կարծիքը,
- 2) ինքնուրույն վերհանել թեմայի արդիականությունը,
- 3) ինքնուրույն ձևակերպել թեզի նպատակն ու խնդիրները,
- 4) հավաքել և մշակել թեմայի վերաբերյալ տեղեկատվությունը,
- 5) ուսումնասիրել և գործնականորեն վերլուծել ստացված նյութերը,
- 6) մագիստրոսական թեզի առարկային համապատասխան իրականացնել

հետազոտություններ, մշակումներ,

7) ձևակերպել տրամաբանորեն և հիմնավորված եզրակացություններ, առաջարկություններ՝ ստացված արդյունքները գործնականում կիրառելու նպատակով,

- 8) պատրաստել ելույթ թեզի պաշտպանության համար:

2. Մագիստրոսական թեզում ներառված տեղեկությունների, ցուցանիշերի, բովանդակության և բոլոր տվյալների ճշգրտության համար պատասխանատու է շրջանավարտը, որպես մագիստրոսական թեզի հեղինակ:

**Հոդված 7. Մագիստրոսական թեզի ղեկավարի պարտականությունները**

1. Մագիստրոսական թեզի ղեկավարը մեթոդական ղեկավարում է իրականացնում շրջանավարտի կողմից թեզի մշակման և պաշտպանության գործընթացում, ինչպես նաև իրականացնում է սույն կանոնակարգով նախատեսված այլ լիազորություններ:

2. Մագիստրոսական թեզի ղեկավարը խորհրդատվություն է տալիս շրջանավարտին՝ անհրաժեշտ հիմնական գրականության և այլ աղբյուրներից օգտվելու մասին:

3. Մագիստրոսական թեզի ղեկավարը վերահսկողություն է իրականացնում թեզի մշակման և պաշտպանության գործընթացը սույն կանոնակարգին համապատասխան

իրականացնելու նկատմամբ:

4. Մագիստրոսական թեզի պաշտպանությանը ղեկավարի ներկայությունը պարտադիր է, եթե չկա բացակայության հարգելի պատճառ:

### ***Հոդված 8. Մագիստրոսական թեզի գրախոսի պարտականությունները***

1. Մագիստրոսական թեզի գրախոսի թեկնածություններ կարող է առաջադրվել համապատասխան ամբիոնի կողմից, ամբիոնի նիստի որոշմամբ:

2. Մագիստրոսական թեզի գրախոս կարող են լինել Համալսարանի համապատասխան ամբիոններից կամ այլ բուհերից, գիտական կազմակերպություններից դասախոսներ և այլ առաջատար մասնագետներ, ով ունի ֆարմացիայի ոլորտի գիտական աստիճան կամ մագիստրոսի աստիճան:

3. Մագիստրոսական թեզի գրախոսը պարտավոր է ներկայացնել մագիստրոսական թեզի վերաբերյալ հիմնավորված կարծիք՝ մագիստրոսական թեզի պաշտպանությունից առնվազն 5 աշխատանքային օր առաջ:

4. Մագիստրոսական թեզի պաշտպանությունից առնվազն 3 օր առաջ շրջանավարտն իրավունք ունի ծանոթանալ գրախոսի դիտողություններին և պատրաստել դրանց պատասխանները՝ ընդունելով դրանք կամ հիմնավորելով մերժումը:

5. Գրախոսի բացասական եզրակացության դեպքում շրջանավարտն իրավունք ունի մասնակցելու մագիստրոսական թեզի պաշտպանությանը:

### ***Հոդված 9. Ամփոփիչ ատեստավորման հանձնաժողովը***

1. Մագիստրոսական թեզի գնահատումն իրականացնում է «Ամփոփիչ ատեստավորման հանձնաժողովը» (այսուհետ՝ Հանձնաժողով)՝ Հայաստանի Հանրապետության Կրթության և գիտության նախարարի 2017 թվականի նոյեմբերի 7-ի թիվ 1282-Ն հրամանով հաստատված «Հայաստանի Հանրապետության բարձրագույն մասնագիտական կրթական ծրագրեր իրականացնող հաստատությունների շրջանավարտների ամփոփիչ ատեստավորման» կարգին և սույն կանոնակարգին համապատասխան:

2. Մինչև ուսումնական տարվա ավարտը Դեղագիտական ֆակուլտետի դեկանը՝

1) կազմակերպում է Հանձնաժողովների կազմավորման գործընթացը՝ ըստ կրթական

ծրագրերի.

2) Ռեկտորին է ներկայացնում Հանձնաժողովների նախագահի և անդամների թեկնածությունները՝ ամփոփիչ ատեստավորումից առնվազն երեք շաբաթ առաջ.

3) Համալսարանի Ուսումնամեթոդական վարչությանն է ներկայացնում է՝ Հանձնաժողովի աշխատանքների ժամանակացույցը:

2. Ամփոփիչ ատեստավորման հանձնաժողովի նախագահին, ֆակուլտետի դեկանի ներկայացմամբ նշանակում է ռեկտորը՝ ֆարմացիայի բնագավառի Համալսարանի կամ գործընկեր կազմակերպությունների, գերատեսչությունների, ակադեմիական հաստատությունների գիտական աստիճան և (կամ) կոչում ունեցող մասնագետներից:

3. Ամփոփիչ ատեստավորման հանձնաժողովի կազմում կարող են ընդգրկվել տվյալ ոլորտի գործատուների և ակադեմիական հաստատությունների ներկայացուցիչները, Դեղագիտական ֆակուլտետի դեկանը կամ տեղակալը, ամբիոնների վարիչներ, պրոֆեսորադասախոսական կազմի ներկայացուցիչներ:

4. Դեղագիտական ֆակուլտետի դեկանի առաջադրմամբ՝ ռեկտորի կողմից նշանակվում է Հանձնաժողովի քարտուղար, Համալսարանի աշխատողներից: Հանձնաժողովի քարտուղարի հիմնական գործառույթը Հանձնաժողովի նիստերի արձանագրումն է:

5. Հանձնաժողովի նախագահի բացակայության դեպքում վերջինիս փոխարինում է Հանձնաժողովի նախագահի տեղակալը:

6. Հանձնաժողովը՝

1) մագիստրոսական թեզի պաշտպանության ընթացքում գնահատում է շրջանավարտի պատրաստվածության մակարդակը և համապատասխանությունը կրթական ծրագրով սահմանված նպատակներին և վերջնարդյունքներին,

2) ամփոփիչ ատեստավորման դրական («բավարար», «լավ», «գերազանց») արդյունքներով որոշում է՝

ա. շրջանավարտին մագիստրոսի որակավորման աստիճան շնորհելու և համապատասխան դիպլոմ տրամադրելու մասին կամ

բ. շրջանավարտին մագիստրոսի որակավորման աստիճան չշնորհելու և համապատասխան դիպլոմ չտրամադրելու մասին:

գ) մշակում և ներկայացնում է առաջարկություններ՝ տվյալ մասնագիտությամբ

մասնագետների պատրաստման որակի հետագա բարելավման վերաբերյալ:

7. Հանձնաժողովի որոշումներն ընդունվում են հանձնաժողովի փակ նիստում՝ ձայների պարզ մեծամասնությամբ:

8. Հանձնաժողովի արձանագրությունները և որոշումները ստորագրվում են Հանձնաժողովի նախագահի և նիստին մասնակցած անդամների կողմից:

Արձանագրության մեջ նշվում են մագիստրոսական թեզերի գնահատականները, տրված հարցերը, հատուկ կարծիքները, շնորհված որակավորման աստիճանը, դիպլոմի տեսակը և արձանագրության օրինակելի ձևում նախատեսված այլ տեղեկատվություն:

Արձանագրությունները պահպանվում են Համալսարանում՝ ՀՀ օրենսդրությամբ սահմանված ժամկետով:

9. Մագիստրոսական թեզի պաշտպանությանը «անբավարար» գնահատված կամ թույլատրված, բայց չներկայացած շրջանավարտը (ուսանողը) հեռացվում է համալսարանից: Հեռացված ուսանողի վերականգնումը հնարավոր է միայն հաջորդ ուսումնական տարում:

Վերականգնման դեպքում նշանակվում է մագիստրոսական թեզի նոր թեմա՝ սույն կանոնակարգով սահմանված ընթացակարգով:

10. Հաշվի առնելով Հանձնաժողովի տվյալ ուստարվա աշխատանքների արդյունքները՝ Հանձնաժողովի նախագահը կազմում է հաշվետվություն, որը քննարկվում է Դեղագիտական ֆակուլտետի ուսումնագիտական խորհրդի նիստում:

### ***Հոդված 10. Մագիստրոսական թեզի պաշտպանության և գնահատման***

#### ***ընթացակարգը***

1. Մագիստրոսական թեզի պաշտպանությունն անցկացվում է Հանձնաժողովի բաց նիստում՝ հանձնաժողովի անդամների ընդհանուր թվի երկու երրորդից ոչ պակաս անդամների ներկայության դեպքում: Հանձնաժողովի նախագահի կամ տեղակալի ներկայությունը պարտադիր է:

2. Մագիստրոսական թեզի պաշտպանության թույլատրվում են այն շրջանավատները, ովքեր հանձնել են մագիստրատուրայի կրթական ծրագրով նախատեսված բոլոր ստուգարքները ու քննությունները, ինչպես նաև միջառարկայական համակարգչային թեստային քննությունը և Համալսարանի հանդեպ ֆինանսական պարտավորություններ

չունեն:

3. Ամփոփիչ ատեստավորման ենթակա շրջանավարտների ցանկը հաստատվում է ֆակուլտետի դեկանի կարգադրությամբ:

4. Նախքան մագիստրոսական թեզի պաշտպանության Հանձնաժողովի նիստը՝ Հանձնաժողովի քարտուղարը Հանձնաժողովի բոլոր անդամներին մագիստրոսական թեզերի գրավոր աշխատանքի գնահատման նպատակով ուղարկում է նախատեսված մագիստրոսական թեզերը, ինչպես նաև տվյալ մասնագիտության համար հաստատված գրավոր աշխատանքի գնահատման թերթիկը (Հավելված Ե):

Թերթիկը՝ գնահատված Հանձնաժողովի անդամների կողմից ներկայացվում են դեկանատ՝ պաշտպանությունից առնվազն 3 օր առաջ:

5. Հանձնաժողովի նիստի ընթացքում ուսանողը ներկայացնում է մագիստրոսական թեզի վերաբերյալ իր բանավոր ելույթը՝ առավելագույնը քսան րոպե տևողությամբ:

6. Ուսանողի ելույթը պետք է ներառի հետևյալ բաղադրիչները.

1) Առաջին մասում ներկայացվում է աշխատանքի թեմայի արդիականությունը, տրվում է հետազոտված խնդրի, ինչպես նաև աշխատանքի նպատակի և խնդիրների նկարագրությունը, որոնց հետ կապված ներկայացվում է թեզում կիրառված հետազոտության մեթոդները և աշխատանքի ընդհանուր կառուցվածքը,

2) Երկրորդ մասում ներկայացվում է աշխատանքի գլուխների հակիրճ բովանդակությունը՝ որի հիման վրա կատարվել է հետազոտությունը և հիմնական արդյունքները,

3) Եզրափակիչ մասում թվարկվում է աշխատանքի ընդհանուր եզրակացությունները և առաջարկությունները:

7. Ուսանողի ելույթից հետո Հանձնաժողովի անդամները կարող են հարցեր ուղղել շրջանավարտին՝ թեզի նյութի շրջանակներում:

8. Շրջանավարտի կողմից Հանձնաժողովի անդամների հարցերի պատասխանները պետք է լինեն հստակ, հիմնավորված և արտացոլեն խնդրի էությունը:

9. Շրջանավարտի ելույթից և Հանձնաժողովի անդամների հարցերից հետո իր կարծիքն է ներկայացնում մագիստրոսական թեզի գրախոսը: Գրախոսի բացակայության դեպքում կարծիքը կարդում է Հանձնաժողովի նախագահը կամ տեղակալը:

10. Շրջանավարտին տրվում է գրախոսի նկատառումներին և խորհուրդներին

արձագանքելու ողջամիտ հնարավորություն:

11. Հանձնաժողովի անդամները կազմակերպում են թեզի վերաբերյալ բաց քննարկում, որից հետո Հանձնաժողովի նախագահը կամ տեղակալը հայտարարում է մագիստրոսական թեզի պաշտպանության ավարտը:

12. Հանձնաժողովի անդամները գնահատում են ներկայացված բանավոր ելույթը տվյալ մասնագիտության համար հաստատված գնահատման թերթիկի հիման վրա (Հավելված Զ): Մագիստրոսական թեզի պաշտպանության արդյունքները գնահատվում են համաձայն Համալսարանում ընդունված գնահատման 10 բալանոց սանդղակի:

13. Մագիստրոսական թեզի գնահատականները հայտարարվում են նույն օրը՝ ամփոփիչ ատեստավորման հանձնաժողովի նիստի արձանագրությունը կազմելուց հետո՝ մեկ ժամվա ընթացքում:

14. Մագիստրոսական թեզի պաշտպանության ընթացքը արձանագրվում և տեսաձայնագրվում է:

### ***Հոդված 11. Մագիստրոսական թեզի գնահատականի բողոքարկման կարգ***

1. Մագիստրոսական թեզի գնահատականը («անբավարար», «բավարար», «լավ», «գերազանց») շրջանավարտի կողմից կարող է բողոքարկվել:

2. Շրջանավարտն իրավունք ունի մագիստրոսական թեզի գնահատականի վերաբերյալ Հանձնաժողովի նախագահին ներկայացնելու բողոքարկման դիմում՝ արդյունքները հրապարակելուց հետո մեկ ժամվա ընթացքում:

3. Ամփոփիչ ատեստավորման հանձնաժողովի կազմավորմանը զուգահեռ՝ սույն կանոնակարգին համապատասխան ռեկտորի կողմից կազմավորվում է նաև «Բողոքարկման հանձնաժողով»:

Բողոքարկման հանձնաժողովի կազմում ներառվում են՝

1) ուսումնական աշխատանքների գծով պրոռեկտորը, որպես նախագահ,

2) քննական հանձնաժողովի անդամ չհանդիսացող ուսումնամեթոդական վարչության աշխատողը,

3) Իրավաբանական բաժնի ներկայացուցիչը,

3) Համալսարանի ուսանողական խորհրդարանի ներկայացուցիչը,

4) հանձնաժողովի նախագահի կողմից ներգրավված, քննական հանձնաժողովի անդամ չհանդիսացող Համալսարանի ամբիոններից նեղ մասնագետներ:

4. Բողոքարկման ընթացքում շրջանավարտն իրավունք ունի պահանջելու գնահատականի վերաբերյալ լրացուցիչ պարզաբանումներ:

5. Գնահատականի վերաբերյալ շրջանավարտի բողոքը Հանձնաժողովը ընդունում և քննարկում:

6. Մագիստրոսական թեզի գնահատականի բողոքարկման գործընթացն իրականացվում է մագիստրոսական թեզի պաշտպանության օրը:

7. Բողոքարկման հանձնաժողովի նախագահը կարող է բողոքարկման նիստերին հրավիրել քննական հանձնաժողովի անդամներին, քարտուղարին, ինչպես նաև համապատասխան ամբիոնների մասնագետներին:

8. Մագիստրոսական թեզի գնահատման արդյունքների բողոքարկման ընթացքում բողոքարկման հանձնաժողովի անդամները կարող են դիտել տվյալ շրջանավարտի պատասխանի տեսաձայնագրությունը:

Հանձնաժողովը քննարկում է և բաց քվեարկությամբ, հանձնաժողովի անդամների ձայների պարզ մեծամասնությամբ ընդունում է հետևյալ որոշումներից մեկը՝

1) գնահատականը թողնել անփոփոխ կամ

2) գնահատականը բարձրացնել:

9. Բողոքարկման հանձնաժողովի ընդունած որոշման վերաբերյալ կազմվում է արձանագրություն, որը ստորագրում են հանձնաժողովի նախագահը և անդամները: Որոշմանը համաձայն չլինելու դեպքում բողոքարկման հանձնաժողովի անդամը ներկայացնում է գրավոր հատուկ կարծիք, որը կցվում է արձանագրությանը:

\* \* \*

## Հավելված Ա

ԵՐԵՎԱՆԻ ՄԽԻԹԱՐ ՀԵՐԱՑՈՒ ԱՆՎԱՆ ՊԵՏԱԿԱՆ ԲԺՇԿԱԿԱՆ ՀԱՄԱԼՍԱՐԱՆ  
ԴԵՂԱԳԻՏԱԿԱՆ ՖԱԿՈՒԼՏԵՏ

ՄԱԳԻՍՏՐՈՍԱԿԱՆ ԹԵԶ

Անուն, հայրանուն, ազգանուն

Մասնագիտություն՝  
ֆարմացիա

Թեմա՝

Գիտական ղեկավար՝

ԵՐԵՎԱՆ 2023

## Հավելված Բ

### ԵՐԱՆՆԻ ՄԽԻԹԱՐ ՀԵՐԱՑՈՒ ԱՆՎԱՆ ՊԵՏԱԿԱՆ ԲԺՇԿԱԿԱՆ ՀԱՄԱԼՍԱՐԱՆ ԴԵՂԱԳԻՏԱԿԱՆ ՖԱԿՈՒԼՏԵՏ ՀԵՏԱԶՈՏՈՒԹՅԱՆ ՊԼԱՆԻ ԿԱՌՈՒՑՎԱԾՔԸ ԵՎ ԾԱՎԱԼԸ

Հետազոտության պլանի ծավալը պետք է լինի 2-3 տպագրական էջ, որը չի ներառում տիտղոսաթերթը:

Հետազոտության պլանի տեքստը պետք է հավաքվի համակարգչով՝ A4 ֆորմատի սպիտակ թղթի վրա (210 X 297) յուրաքանչյուր թղթին 1 էջ 1.5 միջակայքով, սև գույնով, «GHEA Grapalat» տառատեսակների կիրառմամբ, 12 տառաչափով: Էջերը պետք է ունենան լուսանցքներ՝ ձախից՝ 3 սմ, վերևից՝ 2 սմ, աջից՝ 1 սմ, ներքևից՝ 2,5 սմ:

Հետազոտության պլանի բաղադրիչ մասերը՝

1. ՏԻՏՂՈՍԱԹԵՐԹ
2. ՀԵՏԱԶՈՏՈՒԹՅԱՆ ՆՊԱՏԱԿԸ
3. ՀԵՏԱԶՈՏՈՒԹՅԱՆ ՀԻՄՆԱՎՈՐՈՒՄԸ
4. ՀԵՏԱԶՈՏՈՒԹՅԱՆ ՄԵԹՈԴՆԵՐԸ
5. ՀԵՏԱԶՈՏՈՒԹՅԱՆ ՍԱՀՄԱՆԱՓԱԿՈՒՄՆԵՐԸ
6. ԲԱՐՈՅԱԳԻՏԱԿԱՆ ՏԵՍՈՒԹՅԱՆ ԽՆԴԻՐՆԵՐԻ ՀԱՍՑԵԱԳՐՈՒՄԸ՝ ԳԱՂՏՆԻՈՒԹՅԱՆ ԱՊԱՀՈՎՈՒՄԸ
7. ԳՐԱԿԱՆՈՒԹՅԱՆ ՑԱՆԿԸ

Հղումների ձևաչափը՝

- Հեղինակները ներկայացվում են այբբենական կարգով՝ նշելով հղումների համարները տեքստում: Ցանկում սկզբից նշվում են հայկական հեղինակները, ապա ռուսական և արտասահմանյան:
- Գիրք՝ հեղինակի/ներ/ ազգանունը, անվան առաջին տառը, գրքի անվանումը, հրատարակչությունը, քաղաքը, տպագրության տարեթիվը, հատորը, էջերը:
- Հոդված՝ հեղինակի/ներ/ ազգանունը, անվան առաջին տառը, պարբերականի անվանումը, քաղաքը, հատորը, պարբերականի համարը, հոդվածի էջահամարը:
- Համացանց՝ հեղինակի/ներ/ ազգանունը, անվան առաջին տառը, հոդվածի անվանումը, համացանցում հոդվածի տեղադրման ամսաթիվը, կայքի հասցեն, հղում կատարելու ամսաթիվը

**Հավելված Գ**

ԵՐԵՎԱՆԻ ՄԽԻԹԱՐ ՀԵՐԱՑՈՒ ԱՆՎԱՆ ՊԵՏԱԿԱՆ ԲԺՇԿԱԿԱՆ ՀԱՄԱԼՍԱՐԱՆ  
ԴԵՂԱԳԻՏԱԿԱՆ ՖԱԿՈՒԼՏԵՏ  
Մագիստրոսական թեզի գրախոսման չափորոշիչներ

Ուսանող (Ա.Հ.Ա.) \_\_\_\_\_

Կրթական ծրագիր \_\_\_\_\_

Թեմայի անվանումը \_\_\_\_\_

Գրախոս (Ա.Հ.Ա., գիտ. կոչում/աստիճան) \_\_\_\_\_

Գնահատման չափորոշիչներ

1. Թեմայի արդիականությունը
2. Հետազոտության նորարարությունը
3. Հետազոտության համապատասխանությունը նպատակին
4. Հետազոտության բովանդակության համապատասխանությունը գործող պահանջներին
5. Հետազոտության մեթոդների ճիշտ կիրառումը
6. Տվյալների ճիշտ վերլուծությունը և ներկայացումը
7. Հիմնավորված եզրակացությունների և գործնական առաջարկությունների առկայությունը
8. Հետազոտության համար ընտրված գրականությունը
9. Կատարված աշխատանքի գիտական մակարդակը
10. Ընդունված չափորոշիչներին համապատասխան աշխատանքի ձևակերպում
11. Եզրակացություն մագիստրոսական թեզի պաշտպանության ենթակա լինելու վերաբերյալ

\_\_\_\_\_

(ստորագրություն)

\_\_\_\_\_

(Ա.Հ.Ա.)

**Հավելված Դ**

**ԵՐԵՎԱՆԻ ՄԽԻԹԱՐ ՀԵՐԱՑՈՒ ԱՆՎԱՆ ՊԵՏԱԿԱՆ ԲԺՇԿԱԿԱՆ ՀԱՄԱԼՍԱՐԱՆ  
ԴԵՂԱԳԻՏԱԿԱՆ ՖԱԿՈՒԼՏԵՏ  
Մագիստրոսական թեզի ղեկավարի կարծիք**

Ուսանող (Ա.Հ.Ա.) \_\_\_\_\_

Կրթական ծրագիր \_\_\_\_\_

Թեմայի անվանումը \_\_\_\_\_

Գիտական ղեկավար (Ա.Հ.Ա., գիտ. կոչում/աստիճան) \_\_\_\_\_

**Գնահատման չափորոշիչներ**

1. Աշխատանքի համապատասխանությունը նպատակին
2. Աշխատանքի արդիականությունը և կարևորությունը
3. Աշխատանքի կատարման ընթացքում ուսանողի կողմից ցուցաբերած՝
  - ինքնուրույնության աստիճանը
  - գիտելիքների մակարդակը
  - տվյալներ մշակելու և հիմնավորված եզրակացություններ անելու կարողությունը
  - ուսումնասիրած գրականության համապատասխանությունը և ծավալը
  - մեթոդաբանության ընտրությունը և կիրառումը
  - մագիստրոսական թեզի կատարման ժամանակացույցի պահպանումը
  - մագիստրոսական թեզի ձևավորման պահանջների պահպանումը
4. Գործնական առաջարկությունների առկայությունը
5. Կատարված աշխատանքի դրական կողմերը և թերությունները
6. Եզրակացություն մագիստրոսական թեզի համապատասխանության և պաշտպանության ենթակա լինելու վերաբերյալ

\_\_\_\_\_  
(ստորագրություն)

\_\_\_\_\_  
(Ա.Հ.Ա.)

## Հավելված Ե

ԵՐԵՎԱՆԻ ՄԽԻԹԱՐ ՀԵՐԱՑՈՒ ԱՆՎԱՆ ՊԵՏԱԿԱՆ ԲԺՇԿԱԿԱՆ ՀԱՄԱԼՍԱՐԱՆ  
ԴԵՂԱԳԻՏԱԿԱՆ ՖԱԿՈՒԼՏԵՏ  
Մասնագիտություն՝ «Ֆարմացիա»  
ՄԱԳԻՍՏՐՈՍԱԿԱՆ ԹԵԶԻ (ՄԹ) ԳՐԱՎՈՐ ԱՇԽԱՏԱՆՔԻ ԳՆԱՀԱՏՄԱՆ ԹԵՐԹԻԿ

Անուն Ազգանուն \_\_\_\_\_  
Խումբ \_\_\_\_\_

Ամսաթիվ \_\_\_\_\_

Ստորև ներկայացված յուրաքանչյուր չափորոշիչ գնահատել սահմանված համապատասխան միավորներով (կարող է օգտագործվել նաև 0.5):

1. ՁևԱԶԱՓ (առավելագույնը 1 միավոր) \_\_\_\_\_
  - Տիտղոսաթերթը համապատասխանում է տրված օրինակին:
  - Ձևաչափը համապատասխանում է 'A4 ֆորմատ, «GHEA Grapalat» տառատեսակ, 12 տառաչափ, տողերի միջև 1.5 միջակայք, էջերի լուսանցքը ձախից՝ 3 սմ, վերևից՝ 2 սմ, աջից՝ 1 սմ, ներքևից՝ 2,5 սմ պարամետրերին:
  - ՄԹ-ի բոլոր էջերը, ներառյալ լուսաբանող նկարները, աղյուսակները, գծապատկերները, հավելվածը վերնագրված և համարակալված են:
  - ՄԹ-ի բոլոր գլուխների անվանումները գրված են ուղիղ գլխատառերով (մեծատառերով, տառաչափը՝ 14):
  - ՄԹ-ի ներկայացման գրելաոճը գիտական է:
2. ԲՈՎԱՆԴԱԿՈՒԹՅՈՒՆ 2-3 էջ (առավելագույնը 1 միավոր) \_\_\_\_\_
  - Թեզի բոլոր բաժինների համապատասխան էջերը ըստ հերթականության տրված են:
  - Կիրառված հապավումների ցանկը ներկայացված է:
3. ՀԱՄԱՌՈՏԱԳԻՐ 1 էջ (առավելագույնը 2 միավոր) \_\_\_\_\_
  - Թեզի ուսումնասիրության խնդիրը, նպատակը(ները), մեթոդները, արդյունքները և եզրակացությունները հակիրճ ներկայացված են:
4. ՆԵՐԱԾՈՒԹՅՈՒՆ 2-3 էջ (առավելագույնը 3 միավոր) \_\_\_\_\_
  - Հետազոտության թեման արդիական է:
  - Նպատակը(ները) հստակ սահմանված է(են):
  - Խնդիրները հստակ ներկայացված են և բխում են հետազոտության նպատակներից:
5. ԳՐԱԿԱՆՈՒԹՅԱՆ ՏԵՍՈՒԹՅՈՒՆ 8-10 էջ (առավելագույնը 6 միավոր) \_\_\_\_\_
  - Թեզի թեմայի վերաբերյալ տեղական և արտասահմանյան գրականության վերլուծությունը ներկայացված է:
  - Նյութի շարադրումը տրամաբանական է և միտքը կապակցված:

6. ՀԵՏԱԶՈՏՈՒԹՅԱՆ ՆՅՈՒԹԸ ԵՎ ՄԵԹՈԴՆԵՐԸ 5-8 էջ (առավելագույնը 6 միավոր) —
- Հետազոտության նպատակը(ները) հստակ սահմանված է(են):
  - Հետազոտության իրականացման վայրը և թիրախը նկարագրված են:
  - Հետազոտության նախագիծը նկարագրված է և ընտրությունը հիմնավորված:
  - Հետազոտության ընտրանքի հաշվարկը և չափը ներկայացված է:
  - Հետազոտության գործիքը մանրամասն նկարագրված է (հուսալիության և պիտանելիության հղումներ):
  - Տվյալների մուտքագրման համար կիրառված ծրագիրը, ստուգման և տվյալների վիճակագրական վերլուծության եղանակները նշված են:
7. ՀԵՏԱԶՈՏՈՒԹՅԱՆ ԱՐԴՅՈՒՆՔՆԵՐԸ 5-8 էջ (առավելագույնը 6 միավոր)\_\_\_
- Հետազոտության արդյունքում ստացված արդյուքները մանրամասն ներկայացված են և իրատեսական են:
  - Ներկայացված արդյուքների հավաստիության ցուցանիշները բերված են:
8. ՀԵՏԱԶՈՏՈՒԹՅԱՆ ՔՆՆԱՐԿՈՒՄ 4-7 էջ (առավելագույնը 6 միավոր) \_\_\_\_\_
- Ստացված արդյուքների տրամաբանական մեկնաբանումը տրված է:
  - Հնարավոր պատճառահետևանքային կապերը վերհանված և վերլուծված են:
  - Նմանատիպ այլ հետազոտությունների արդյունքերի հետ համեմատությունը կատարված է:
  - Հետազոտության սահմանափակումները նշված են:
9. ԵԶՐԱԿԱՅՈՒԹՅՈՒՆՆԵՐ ԵՎ ԱՌԱՋԱՐԿՈՒԹՅՈՒՆՆԵՐ 1-2 էջ (առավելագույնը 6 միավոր)
- \_\_\_\_\_
- Հետազոտության արդյունքում ստացված եզրակացությունները մանրամասն ներկայացված են և համապատասխանում են հետազոտության նպատակին:
  - Հետազոտության արդյունքների հիման վրա կատարած առաջարկությունները ներկայացված են:
  - Ներկայացված առաջարկություններն իրատեսական են և բովանդակալից:
10. ԳՐԱԿԱՆՈՒԹՅԱՆ ՑԱՆԿԸ 2-3 էջ (առավելագույնը 3 միավոր) \_\_\_\_\_
- Հղումների ճիշտ ձևաչափը պահպանված է:
  - Հղումների քանակը համապատասխանում է պահանջներին (15-25 հեղինակ):

Ընդամենը՝ ընդհանուր գումարը կարող է տատանվել 0-40 սահմաններում:  
 Վերջնական գնահատականը ստացվում է արդյունքը բազմապատկելով 0.25 գործակցով:

Ընդամենը՝ \_\_\_\_\_

Վերջնական գնահատական \_\_\_\_\_

\_\_\_\_\_  
 (ստորագրություն)

\_\_\_\_\_  
 Ա.Հ.Ա.

## Հավելված 2

ԵՐԵՎԱՆԻ ՄԻՏԻԹԱՐ ՀԵՐԱՅՈՒ ԱՆՎԱՆ ՊԵՏԱԿԱՆ ԲԺՇԿԱԿԱՆ ՀԱՄԱԼՍԱՐԱՆ  
ԴԵՂԱԳԻՏԱԿԱՆ ՖԱԿՈՒԼՏԵՏ  
Մասնագիտություն՝ «Ֆարմացիա»  
ՄԱԳԻՍՏՐՈՍԱԿԱՆ ԹԵԶԻ (ՄԹ) ԲԱՆԱՎՈՐ ՆԵՐԿԱՅԱՅՄԱՆ ԳՆԱՀԱՏՄԱՆ ԹԵՐԹԻԿ

Անուն Ազգանուն՝ \_\_\_\_\_  
Խումբ \_\_\_\_\_

Ամսաթիվ \_\_\_\_\_

Ստորև ներկայացված յուրաքանչյուր չափորոշիչ գնահատել 0-5 թվերի սանդղակով (կարող է օգտագործվել նաև 0.5), որտեղ՝  
0 չափորոշիչը ներկայացված չէ,  
3 չափորոշիչը մասամբ է ներկայացված,  
5 չափորոշիչը ամբողջությամբ է ներկայացված:

1. ԹԵՄԱՅԻ ԱՐԴԻԱԿԱՆՈՒԹՅՈՒՆԸ \_\_\_\_\_
  - Հետազոտության թեման արդիական է:
  - Նպատակը(ները) հստակ սահմանված է(են):
  - Խնդիրները հստակ ներկայացված են և բխում են հետազոտության նպատակներից:
2. ՀԵՏԱԶՈՏՈՒԹՅԱՆ ՆՅՈՒԹԸ ԵՎ ՄԵԹՈԴՆԵՐԸ \_\_\_\_\_
  - Հետազոտության իրականացման վայրը և թիրախը նկարագրված են:
  - Հետազոտության նախագիծը նկարագրված է և ընտրությունը հիմնավորված:
  - Հետազոտության ընտրանքի հաշվարկը և չափը ներկայացված է:
  - Հետազոտության գործիքը նկարագրված է:
  - Տվյալների մուտքագրման համար կիրառված ծրագիրը և տվյալների վիճակագրական վերլուծության եղանակները նշված են:
3. ՀԵՏԱԶՈՏՈՒԹՅԱՆ ԱՐԴՅՈՒՆՔՆԵՐԸ \_\_\_\_\_
  - Հետազոտության արդյունքները լիարժեք ներկայացված են:
  - Ստացված տվյալների հավաստիությունը ներկայացված է:
4. ՀԵՏԱԶՈՏՈՒԹՅԱՆ ՔՆՆԱՐԿՈՒՄ \_\_\_\_\_
  - Ստացված արդյունքների տրամաբանական մեկնաբանումը տրված է:
  - Հնարավոր պատճառահետևանքային կապերը վերհանված և վերլուծված են:
  - Նմանատիպ այլ հետազոտությունների արդյունքների հետ համեմատությունը կատարված է:
5. ԵԶՐԱԿԱՅՈՒԹՅՈՒՆՆԵՐ ԵՎ ԱՌԱՋԱՐԿՈՒԹՅՈՒՆՆԵՐ \_\_\_\_\_
  - Հետազոտության արդյունքում ստացված եզրակացությունները ներկայացված են և համապատասխանում են հետազոտության նպատակին:
  - Հետազոտության արդյունքների հիման վրա կատարած առաջարկությունները ներկայացված են և իրատեսական են:

6. ՄԹ-Ի ՆԵՐԿԱՅԱՑՄԱՆ ԿԱՌՈՒՑՎԱԾՔԸ \_\_\_\_\_
- Սլայդերը տրամաբանական հերթականությամբ ներկայացված են:
  - Սլայդերը վերնագրված են և ճիշտ ձևաչափը պահպանված է:
  - Նկարները և գծապատկերները ինֆորմատիվ են և տեղին օգտագործված:
7. ԺԱՄԱՆԱԿԸ ՆՊԱՏԱԿԱՅԻՆ ՕԳՏԱԳՈՐԾՎԱԾ Է \_\_\_\_\_
8. ՄԹ-Ի ՆԵՐԿԱՅԱՑՄԱՆ ՈՃԸ \_\_\_\_\_
- Ներկայացնողը ինքնավստահ և համոզիչ է:
  - Տեսողական կոնտակտը լսարանի հետ պահպանված է:
  - Խոսքը հստակ է, տրամաբանված և հիմնավորված:
9. ՄԹ-Ի ՎԵՐԱԲԵՐՅԱԼ ՀԱՐՑԵՐԻՆ ՏԱԼԻՍ Է ՍՊԱՌԻՉ ՈՒ ԼԻԱՐԺԵՔ ՊԱՏԱՍԽԱՆՆԵՐ \_\_\_\_\_
10. ԸՆԴՀԱՆՈՒՐ ՏՊԱՎՈՐՈՒԹՅՈՒՆ \_\_\_\_\_

Ընդամենը՝ ընդհանուր գումարը կարող է տատանվել 0-50 սահմաններում:  
 Վերջնական գնահատականը ստացվում է արդյունքը բազմապատկելով 0.2 գործակցով:

Ընդամենը՝ \_\_\_\_\_ Վերջնական գնահատական \_\_\_\_\_

\_\_\_\_\_  
 (ստորագրություն)

\_\_\_\_\_  
 Ա.Հ.Ա.